

ՔԱՂԱՔԱՅԻՆ ՎԱՐՋՈՒԹՅՈՒՆԸ
ԵՎ ԻՆՔՆԱՎԱՐՈՒԹՅՈՒՆԸ
ՄԻՋՆԱԴԱՐՅԱՆ ՀԱՅԱՍՏԱՆՈՒՄ

Պրոֆ. Բ. Ն. ԱՌԱՔՆԵՅԱՆ

Քաղաքային վարչությունը և ինքնավարությունը միջին դարերում ուղեկցեցին քաղաքային կյանքի զարգացմանը և առանձնապես աչքի ընկնող մակարդակի հասան Կենտրոնական, Արևմտյան և Արևելյան Եվրոպայի երկրներում: Քաղաքային ինքնավարությունը երևան էր զալիս տարրեր ձևերով՝ սկսած սենյորիալ քաղաքի քաղաքային դասի ձեռք բերած մասնակի ինքնավարությունից՝ մինչև քաղաք-կոմունաները, որոնք միջնադարյան քաղաքային ինքնավարության զարգացման բարձրակետը հանդիսացան: Քաղաքային ինքնավարությունը իշխողների կողմից քաղաքային դասին տրվող առանձնաշնորհում չէր, այլ ձեռք էր բերվում երկարատև, համառ, հաճախ արյունալի պայքարի շնորհիվ՝ ընդդեմ քաղաքի տեր ֆեոդալ սենյորի և քաղաքի ֆեոդալական վերնախավի:

Քաղաքային դասի առաջացումը միջնադարյան քաղաքներում անխուսափելի պատմական իրողություն էր, իսկ այդ դասի պայքարը ֆեոդալների անբաժան տիրապետության դեմ և քաղաքային ինքնավարության առաջացումը՝ պատմական օրինաչափություն, ինչպես Արևմուտքի, նույնպես և Արևելքի երկրների համար: Այլ հարց է, թե ինչ ձևերով ու առանձնահատկություններով էր այն երևան գալիս տարրեր երկրներում և զարգացման ինչ մակարդակի հասնում:

Միջնադարյան Հայաստանի քաղաքային ինքնավարության հարցն առաջ բաշեց ակադ. Ն. Յա. Մառը, Անիի պեղումների արդյունքների ամփոփման կապակցությամբ: Նա հայտնեց այն կարծիքը, որ Անիում «առաջանում էր, թեևս առաջացել էր ինքնուրույն քաղաքային կյանք, քաղաքային ավազանու գլխավորությամբ և օրենսդիր իշխանությամբ՝ քաղաքի սահմաններում»¹: Այնուհետև Ն. Յա. Մառը քաղաքային ինքնավարության մարմին համարում էր Անիի արձանագրությունների մեջ հանդիպող «երիցանի»-ն, համեմատության մեջ դնելով այն Մատթևոս Ուռհայեցու «Ժամանակագրության» մեջ հանդիպող «Ժերք քաղաքին» արտահայտության, ինչպես և վրացական մի աղբյուրում հանդիպող ტფილელი ბერბი (Քրիստիի մեծամեծեր) արտահայտության հետ: Երիցանու քաղաքային ինքնավարության մարմին լինելու տեսակետն ընդունեցին ակադ. Հ. Օրբելին և ուրիշ գիտնականներ, ուստի այն մտավ գիտական շրջանակության մեջ², տեղ գտավ նաև Հայ ժողովրդի պատմության զարգացման ձեռնարկում:

¹ Н. Я. Марр, Ани, Ереван, 1939, էջ 65:

² С. Т. Еремян, Армения в XI—первой четверти XIII в. («Очерки истории СССР, период феодализма, XI—XV вв.», в двух частях, ч. I, Москва, 1953, էջ 607:

³ «Հայ ժողովրդի պատմություն», I մաս, Երևան, 1951, էջ 205:

Ակադ. Հ. Մանանդյանը մեջ բերելով Ն. Յա. Մառի կարծիքը «երիցանու» մասին, նշում է, որ Դվինի քաղաքային ավագանին հիշատակված է նաև IX—X դդ. արարական աղբյուրներում: Բեկաձորին հիշատակում է Դվինի ավագանին Իրն Մասլամայի (VII դ.) արշավանքի կապակցությամբ, իսկ Իրն-Հատուկայի ասելով Դվինը գտնվում էր Սմբատ Ա թագավորի և նրա նախնիները ձևորին և քաղաքի մեծամեծների իշխանության ներքո:

Մանանդյանն այնուհետև գրում է. «ԶԺխտելով բերված վկայությունների կարևորությունը, ևս համարում եմ ավելի քան հավանական, որ Բաղրատունյաց զարաշրջանի քաղաքները, որոնք պատկանում էին խոշոր ֆեոդալներին և մեծ մասամբ դարձել էին նրանց նստավայրը, գտնվում էին այդ սենյորների իշխանության ներքո և ունեին սենյորիալ կարգեր: Ինչպես արևմտավրոպական քաղաքները, նրանք կառավարվում էին սենյորիալ կարգերով, պաշտոնական անձանց կողմից, որոնց նշանակում էին նրանց (քաղաքների) տերերը, Բաղրատունի թագավորները և մյուս սենյորները»:

Հ. Մանանդյանը խոսում է Բաղրատունյաց զարաշրջանի քաղաքների մասին և մասամբ իրավացի է, քանի որ այդ շրջանում քաղաքներն առավելապես սենյորիալ բնույթ ունեին: Նա չի ժխտում և քաղաքային վարչական պաշտոնյաների ազդեցությունը, բայց գտնում է, որ դրանք սենյորների կողմից նշանակվող պաշտոնյաներ էին:

Մեր առջև ծառանում է երկու հարց. առաջին՝ քաղաքային ինքնավարությունը միջնադարյան Հայաստանում, Բաղրատունիների ժամանակ կամ նրանցից հետո՝ XII—XIII դդ., որեւէ ձևով իր զսկորումներն ունեցել է թե ոչ, և երկրորդ՝ եթե այն սաղմնավորվել, զարգացել է, ապա արդյոք «երիցանի» է եղել քաղաքային ինքնավարության մարմինը: Առաջին հարցի պատասխանը կազմում է ներկա հոդվածի բուն էությունը, ուստի կարող է երևան գալ հետագա շարադրության մեջ, իսկ երկրորդ հարցին պատասխանելու համար պարզենք, թե ինչ իմաստով է օգտագործվել «երիցանի» բառը վկայաբերված աղբյուրներում:

«Երիցանին» քաղաքային ինքնավարության մարմին համարելուն հիմք են ծառայել Անիի երկու վիմագիր արձանագրությունները, որոնք փորագրված են Առաքելոց եկեղեցու պատերի վրա: Առաջին արձանագրությունը, ըստ Ալիշանի, փորագրվել է 1250 թ. «Շնորհին Աստուծոյ ևս Նուրայդին քոթիթս իմ ընկե ռաւքս եկի յԱնի տամղիս վերայ աւսայ զԱնոյ իրիցանուս զհառլխին հրամանքին որ ի սկզբանէ բաժ ու տամղայ չէին տվել, ևս այլ հաստատեց իմ ընկերաւքս որ ոչ բաժ տան ու ոչ տամղայ զինչ ի առլխին հրամանքն էր թողաք վասն յերկար կենդանութեան փաթշահին. ով որ այլ բաժ ուղէ կամ տամղայ Աստուծոյ ու ինդեթիւր լինի ու նդոված է ՅԺԸ հայրապետացն մասն զՅուդային ևս զԿալինին առւէ. հաստատուն պահադրն աւրհին Աստուծոյ»:

Երկրորդ արձանագրությունը փորագրվել է 12 տարի հետո. «ԶԺԲ էլլանին. Շնորհին Աստուծոյ մէք տամղաճիքս վասն յերկար կենդանութեան ևս վասն

1 «Сборник материалов по описанию местностей и племен Кавказа», вып. XXXVIII, 1908, էջ 92—93.

2 Я. А. Манандян, О торговле и городах Армении в связи с мировой торговлей древних времен (V в. до н. э.—XV в. н. э.), Ереван, 1954, էջ 231—232.

3 Ղ. Ա. Իշան, Շիրակ, Տեղագրութիւն պատկերացոյց, էջ 62 (ընդգծումները մերն են—Բ. Ա.յ).

սլատորոնաց մերոց Սահիպ Դիւանին եւ Սահմատին եւ Քարիմադինին լարձաք ի յԱնո իրիցանուս զբաժն զոր ի սկզբանէ ազատ էր մեք վերստին այլ հաստատեցաք շունի որ իշխանութիւն բաժ ուղէլու ոչ ինչ ազգ ով իցէ որ կապէլոր լինի ով այլ խաւսք ասէ կամ աղման անէ բաժի ուղէլու, ՅԺԸ հայրապետացն նզոված (հաստատուն պահողքն սուրհին յԱստուծոյ)՝:

Այսպիսով, երկու արձանագրութիւնն էլ վերաբերում են նույն հարցին. Անիի «Երիցանին» կամ «Երիցանին» մոնղոլական խանի հրամանագրով ազատված էր բաժ կամ տաւղա կոչվող հարկերը վճարելու պարտականութիւնից, սակայն այդ հրամանագիրը խախտւում էր և Անիում նշանակված հարկահանները (տամղաճի) կրկին ու կրկին «Երիցանուն» ազատել են այդ պարտավորութիւններից: «Երիցանի» կամ «Երիցանի» հավաքական իմաստով դորձածված տերմինի տակ կարող է հասկացվել քահանաների դասը կամ հոգևորականութիւնը, կամ քանի որ «Երեց» նշանակում է ավագ, ուրևմն «Երիցանին» կարող է հասկացվել իբրև «ավագանի», իսկ վերջինս էլ համարվել է քաղաքային ինքնավարութեան մարմին, որի ներկայացուցիչները իբրև թե հրամանագրով ազատվել են հարկերից:

Սակայն այդ բանը պնդելու համար հիմքեր չկան: Հայտնի է, որ հարկերից ազատված էր հոգևորականութիւնը, բայց մոնղոլներն այդ կարգը հաճախ խախտում, ապա վերականգնում էին: Անիից հայտնի են և այլ արձանագրութիւններ, որոնք որոշակիորեն ցույց են տալիս, որ «Երիցանին» քահանայական դասը կամ հոգևորականութիւնն չէր: Այսպես, օրինակ՝ նույն Առաքելոց Եկեղեցու արևելյան սլատին փորագրված է. «Ի: ՈՂԴ: (1225) թուին, և շունի որ իշխանութիւն յիրիցո հարկս առնուլ...»

«Ի: ՈՂԶ: (1227) թուին... ևս տէր Երիզոր արհիւսկսկոպոս մայրաքաղաքիս Անո... թողի զհարկ Բախանալից քաղաքացեաց զոր ի մահուան արն տաին...»: Նույն Եկեղեցու վրա՝ «...ևս տէր Սարգիս Եպիսկոպոս իրիցանուս զեկաց և զ(բնակա)ց զհրամանն ի պսակ... չուղէ թէ զուտոր թէ կտրիճ ի Անի պսակի...»: Դարձյալ նույն Եկեղեցու վրա ՈՂԹ (1220) թ. փորագրված է արձանագրութիւն, որի մեջ ասվում է. «Շնորհին Աստուծոյ ևս տէր Սարգիս որդի Ապիրատին առաջնորդ մայրաքաղաքիս Անույ և կամակցութեամբ Ամիրիս Երկաթայ... ազատեցաք զամենայն քաղաքիս Բախանալիցս զերիցակնոց մուտք զմահու և զկենաց և զմատաղից զփարթամաց և զաղքատաց զեկաց և զբնակաց, թէ լաւ և թէ վատթար իրիցկին վախճանի ոչ մեծ մուտք ոչ փոքր ի յաթոռս շտայ այլ ազատ են մինչ ի զալուտ Բանին Աստուծոյ... Ամենայն իրիցկին յորտեղ վախճանի այն տանն ևրեցն շունի հրաման յԱստուծոյ մուտք չուղելոյ՝ մեծ կամ փոքր...»²:

Մեջ բերված արձանագրութիւններից պարզվում է, որ Առաքելոց Եկեղեցին հանդիսացել է այն հուշարձանը, որի վրա հրապարակվել են հոգևորականութեան, մասնավորապես նրա կողմից վճարվող և գանձվող հարկերի ու տուրքերի վերաբերյալ օրենքներն ու կարգադրութիւնները: Տարակույս չի մնում, որ «Երիցո», «Երիցկին», «Երիցանի» տերմինները «ի» սկզբնատառով որոշակի վերաբերում են միայն հոգևորականութեանը և աշխարհիկ «Երեց» — ավագ և «Երի-

¹ Ա ի շ ա ն, Շիրակ, էջ 62:

² Այս հատվածները քաղել ենք Անիի վիմագիր արձանագրութիւնների ժողովածուից, որը ակադ. Հ. Յոսեփյան համառել ու հրատարակութեան է աստրապտել և որը կազմելու է «Դիվան հաջ վիմագրութեան» ժողովածուի առաջին պրակը:

ցանի» — ավագանի իմաստը չեն արտահայտում, հետևաբար «իրիցանին» կամ «երիցանին» քաղաքային ինքնավարության մարմին լինել չէր կարող:

Սակայն քաղաքային ինքնավարությունը և քաղաքային դասի պայքարը ֆեոդալ սենյորների դեմ հանուն այդ ինքնավարության, խորթ չեն եղել միջնադարյան Հայաստանի քաղաքներին: Ըստ էության դա պայքար էր ինքնավար համայնքի համար, մի պայքար, որը Հայաստանում մղում էին ինչպես պալլիկյանները, նույնպես և թոնդրակյանները VIII—XI դդ.: Հայտնի է նաև, որ պալլիկյանները ստեղծեցին բոլորովին ինքնավար քաղաքային համայնք Տևփ-բիկևում՝ Բյուզանդական կայսրության սահմաններում, դեռևս IX դ.: Իհարկե դա արդյունք էր ֆեոդալների դեմ ճնշված դասակարգի մղած սոցիալական պայքարի և տարբերվում էր սենյորի դեմ հանուն ինքնավարության քաղաքային դասի (ամբողջությամբ վերացած) մղած պայքարից, սակայն իրեն քաղաքային ինքնավար համայնքի ստեղծման փաստ՝ արժանի է ուշադրության:

IX—X դդ., երբ առաջացավ և հիմնականում ձևավորվեց ֆեոդալական քաղաքը, այն դեռևս ամբողջովին սենյորիալ բնույթ էր կրում: Արարական տիրապետության ժամանակ քաղաքները ձևականորեն համարվում էին պետական, սակայն իրականում նրանք անմիջապես ենթակա էին պետության կողմից նշանակված ամիրային, որի իշխանության մեջ միավորված էին վարչական, ոստանական և տնտեսական ֆունկցիաները: Նրան ենթակա էին քաղաքների հարկահանները՝ ամիրները և շուկայի վերահսկիչները՝ մուհթասիլները: Քաղաքներում հաստատվեց դատարան, որի գլուխ կանգնած էր զադին:

Արարական տիրապետության տապալումից հետո, երբ ֆեոդալական քաղաքի առաջացումն ու ձևավորումը ընթանում էր առավել բուռն թափով, քաղաքները (լինեին դրանք Բագրատունիների, թե Վասպուրականի թագավորությունների մեջ կամ Հայաստանի հարավի ամիրայություններում) համարյա բոլորն էլ խոշոր ֆեոդալների նստավայրեր էին և կառավարվում էին նրանց կողմից՝ ունենալով միանգամայն բնորոշ սենյորիալ կարգեր: Բագրատունիներն ու Աթուրունիները քաղաքներում նշանակում էին թագավորական տան իշխաններից մեկին, որը դառնում էր տվյալ քաղաքի տերը և ենթակա էր միայն թագավորին: Քաղաքների վարչական, ոստանական և տնտեսական իշխանությունը կենտրոնացած էր սենյորների ձեռքին, բացի դատական իշխանությունից, որը գտնվում էր հոգևորականության ձեռքում, բայց սենյորը ուներ վերահսկողության իրավունք: Բյուզանդական տիրապետությանը ենթակա Արևմտյան Հայաստանում կայսրությունը նշանակում էր կառավարիչներ, որոնք արտոնվում էին ինչպես վարչական, նույնպես և զինվորական ու տնտեսական լիազորություններով:

Քաղաքների զարգացմանը, եկամտաբեր հաստատությունների առաջացմանը համընթաց այստեղ են կենտրոնանում զգալի թվով ֆեոդալական տարրեր՝ աշխարհիկ ֆեոդալներ և բարձր հոգևորականություն, սակայն աստիճանաբար ավելի ու ավելի են ստվարանում վաճառականների, վաշխառուների, վարչական ու տնտեսական զանազան պաշտոնյաներից բաղկացած քաղաքային վերնախավի շարքերը: Բայց շատ ավելի բազմամարդ էին քաղաքի ստորին խավերը, որոնք բաղկացած էին արհեստավորներից, մանր առևտրականներից, քաղաքի երկրագործ բնակչությունից, ծառաներից, փախստական ճորտերից, քաղաքային «ամբուխից»: Քաղաքի ստորին խավերի աճը տեղի էր ունենում ավելի արագ և առավել մեծ չափերով:

X դ. երկրորդ կեսին արդեն ֆեոդալական քաղաքն ստանում է իրեն բնորոշ և ցայտուն կերպով արտահայտված դասային կազմը, սրվում է շահերի բախումը, որը երևան էր գալիս ոչ միայն տարբեր դասակարգերի ու դասերի միջև, այլև միևնույն դասի ներսում: Բաղմակողմանի կերպարանք ունեցող և տեղական ալս պաշարի հետևանքով սենյորի անրաժան իշխանությունը քաղաքներում սկսում է առաջին ճեղքերը տալ՝ սահմանավակվել քաղաքային, այս կամ այն չափով կոլեզիալ, իշխանությունների երևան գալով և աստիճանարար խախտվում է: Այս ալս եղանակով դեռևս սենյորիալ քաղաքում սաղմնավորվում է քաղաքային ինքնավարությունը:

Ճիշտ է նկատված, որ քաղաքային ինքնավարությունը միանգամից գոյանալ չէր կարող: Սենյորիալ քաղաքում կյանքը մշտապես ավելի ու ավելի բարդ կերպարանք է ստանում, և սենյորն իր պաշտոնյաներով ի վիճակի չի լինում ընդգրկելու քաղաքային կյանքի բոլոր կողմերը, իսկ բնակչության, մանավանդ վերնախավի, տնտեսական դերի հարատև աճը պայմանավորում էր նրանց մասնակցության անխուսափելիությունը քաղաքի տնտեսական, այլև քաղաքական կառավարման: Այս պայմաններում սենյորը մասամբ շահագրգռված էր, բայց անխուսափելի տնհրաժեշտությունը տեղի տալով, ավելի շուտ հարկադրված էր քաղաքի կառավարման մեջ ներգրավել ֆեոդալական ավագանու և մեծատունների ներկայացուցիչներին, որոնց ձեռքին հետզհետե փաստորեն կենտրոնանում էին եկամտի աղբյուրները և առհասարակ տնտեսական կյանքի ղեկավար մասը: Դեռևս սենյորիալ կարգերի պայմաններում քաղաքի կառավարմանը քաղաքային բնակչության, իշխող վերնախավի ներկայացուցիչների մասնակցությունը՝ քաղաքային ինքնավարության առաջացման ճանապարհին կատարվող առաջին քայլն էր²:

Դժբախտաբար ժամանակի հայկական աղբյուրներում տեղեկություններ չեն պահպանվել այդ հարցի վերաբերյալ, սակայն Իրն-Հաուկալի «Իրք ճանապարհների և թաղավորությանց» 977/8 թ. գրված աշխատության մի վկայությունից երևում է, որ այդ քայլը Հայաստանում կատարվել էր արդեն X դ.: Ասելով, թե Դվինը գտնվում է Աշոտ Ա թաղավորի որդու և նրա նախորդների ձեռքին, Իրն-Հաուկալը ավելացնում է, որ «Քաղաքը գտնվում է մեծամեծների իշխանության ներքո՝ նրա բնակիչների թվից»³:

Ինչպես ուրիշ երկրներում, օրինակ, Ֆրանսիայի հարավում՝ Լանդեզոկում⁴, Հայաստանում ևս քաղաքային ինքնավարության զարգացման երկրորդ քայլը կամ աստիճանը եղավ սենյորիալ իշխանության առկայության պայմաններում, և նրա կողքին, քաղաքային վերնախավերի ներկայացուցիչներից կազմվող վարչության առաջացումը: Վերևում տեսանք, որ այդ վարչությունը «երիցանին» չէր: Հարց է առաջանում՝ իսկ նրա գոյությունը հաստատող փաստեր կան և ինչպես էր կոչվում այն: Բարեբախտաբար այս հարցի պատասխանը գտնում ենք XI—XIII դդ. աղբյուրներում: Պարզվում է, որ քաղաքներն ունեին ամբողջ քաղաքին և նրա բնակչությանը վերաբերող առավել կարևոր հարցերը տնօրին-

¹ В. В. Стоклицкая-Терешкович, Основные проблемы истории средневекового города X—XV веков, Москва, 1960, էջ 139.

² Նույն տեղում.

³ «Сборник по описанию местностей и племен Кавказа», вып. XXXVIII, 1908, էջ 92—93.

⁴ В. В. Стоклицкая-Терешкович, *նշվ. աշխ.*, էջ 139.

նող մի խորհուրդ, որը բաղկացած էր քաղաքի մեծամեծներից: 1045 թ., երբ Դոնստանտին Մոնոմախ կայսրը խաբերայությամբ իր մոտ կանչեց Գաղիկ Բ-ին և կալանավորեց Կոստանդնուպոլսում, Անիի ավագանու խորհուրդը բռնաբերվում է ստեղծված գրությունը և կամենում լուծել մայրաքաղաքի բախտը: Արիստակես Լաստիվերտցին այդ մասին ասում է. «Իսկ Բաղաբազի զխաուրհն որ նստէին յԱնի, իբրև տեսին թե ուրեղաւ Դաղիկ ի Յոյնս, խորհեցան երբեմն ի Դաւիթ տալ զքաղաքն՝ ի Դունացին, քանզի քոյրն Դաւիթ կին էր նորա (Գաղիկի), երբեմն ի Բագարատ թաղաւորն Արխաղաց»¹:

Անիում Դաղկաշեն տաճարի պեղումների ժամանակ հայտնաբերված քարերի վրա եղել են արձանագրության մնացորդներ, որոնք վատ են պահպանվել, սակայն Հ. Օրբելյուն հաջողվել է կարդալ «Գլխաւորք քաղաքիս պահին... արտահայտությունը»:

X—XIII դդ. ավագների կամ ծերերի խորհուրդ գոյություն ուներ Մերձավոր Արևելքի շատ քաղաքներում: Ուոհայեցին հիշատակում է Սիդոն քաղաքի ծերերին: Սիդոնացիք ուղարկում են «լծերան քաղաքին իւրեանց» քաղաքի վրա արշավող Չմշկիկ կայսեր հետ բանակցություններ վարելու՝ քաղաքի հանձնման, նրա բախտի և հարկերի վճարման մասին:

Անիի ավագանին և նրա կարևոր դերը հիշատակված են նաև 1126 թ. դեպքերի կապակցությամբ, երբ Արուստուրի որդի Փաղունը սլաշարել էր քաղաքը և կամենում էր վերականգնել իր տոհմի իշխանությունը Անիում ու Շիրակում: Անիի բնակիչները համառ դիմադրություն են ցույց տալիս Փաղունին, բայց ի վերջո նրանք «հարկեցան տալ անդրէն ի Փաղունն զսա [Անին], դաշինս երգմանց պահանջել ի նմանէ՝ շառնել վրէժս»², իր հոր և եղբայրների գերության և Վրաստան տարվելու առթիվ: Եթե Սամվել Անեցու այս վկայությունից սրտշակիորեն չի երևում, թե ո՞վքեր էին Փաղունից երգման դաշինք պահանջողները, ապա Վարդան Բարձրբերդցին պարզ ասում է, թե Փաղունը «աղերսանօք խնդրէ յԱպուլեթի և յաւագագ Բաղաբազի», որ վեհը հաշտությամբ լուծվի՝ Վերհիշենք, որ վրացի Ապուլեթի Դավիթ IV-ի կողմից Անիում նշանակված իշխանաւորը կամ քաղաքապետն էր, որին (ինչպես և քաղաքի ավագներին) դիմում էր Փաղունը:

Ստեփանոս Օրբելյանի մի վկայությունից պարզ երևում է, որ ավագների խորհուրդ կար նախնականում: Հեղինակը պատմում է, որ էլիկումը սպանվեց «և և մնաց փոքրիկ մանկիկն Լիւպարիս որը առ մօր իւրում, զոր իբրև իմացան զխաուրհ Բաղաբազի ածին զմայրն և զմանուկն ի նախնական և պահէին ի պատանդի»³: Մի վարքաբանական գրվածքում պատմվում է, թե 1290 թ. սելջուկյան զորքերը հարձակվում են Արևմտյան Հայաստանի վրա և դերի են տանում Խարբերդի մոնղոլական էմիր Խարբանդաշի եղբորը: Այդ առթիվ ասվում է. «Եւ յաւուրսն յայնոսիկ նստեալ զխաուրաց Բաղաբազի ի դարպաս մի մեծ և խորհուրդ առնէին ընդ միմեանս վասն զնելոյ զեղբայրն ի գերութենէ և սահ-

¹ Արիստակես Լաստիվերտցի. Պատմություն, էջ 42:

² Անիի արձանագրությունների՝ Հ. Օրբելյու կազմած ժողովածու, արձանագրություն N 191:

³ Մատթեոս Ուոհայեցի, Ժամանակագրություն, էջ 24:

⁴ Սամվել Անեցի, էջ 127:

⁵ Վարդան Բարձրբերդցի, էջ 120:

⁶ Ստեփանոս Օրբելյան, էջ 395:

մանևս: Հարկապահանջութիւն յաշխարհին՝ ժողովել զանձս ի մեծամեծաց մինչև ի փոքունց և ի տնարդել աղջկանց»¹:

Նույն այս հարրերդ քաղաքի ավագների խորհուրդն է ընդունում Գրիգոր Բալուեցի վարդապետի մահապատժի վճիռը: «Եւ զլխաւորս Ժ (10) աթոռով նստեալ ի քաղաքէն և յալլ քաղաքաց եկելոց ... և կացուցին առաջի ատենին զվարդապետն Գրիգոր»²:

Բերված փաստերը ցույց են տալիս, որ քաղաքներում X—XII դդ. դոյություն ունէր ավագների խորհուրդ, որը կազմվում էր ի «ծերոց քաղաքին» կամ «յաւագաց քաղաքին» այսինքն քաղաքի մեծամեծներից, որոնք աղբյուրներում սովորաբար կոչվում են «զլխաւորս ֆաղափն»: Սա քաղաքային վարչության կոլեգիալ մարմին էր: Ավագների խորհուրդը, «զլխաւորս ֆաղափն», ինչպես տեսանք բերված վկայություններից, լուծում էր քաղաքի կյանքին վերաբերող առավել կարևոր հարցերը, այն է՝ ո՞ւմ իշխանությանը պետք է ենթարկվեր քաղաքը, ի՞նչ չափով և ի՞նչ հարկեր պետք է վճարեին քաղաքի բնակիչները և նրա տարրեր դասերը (ինչպես դա երևում է Ուռհայեցու վկայությունից և Անիի արձանագրություններից), հետևապէս, նա ուներ որոշ օրենսդրական իշխանություն, ինչպես և դատական իրավասություն: Սակայն այս ամենով հանդերձ քաղաքային ինքնավարության այս մարմինը ենթակա էր ֆեոդալ սենյորին: Քաղաքների ավագանու այս խորհրդի մեջ XI—XIII դդ. մտնում էին քաղաքի ամիրան կամ քաղաքապետը, եպիսկոպոսը կամ դադին, իսկ խառը բնակչություն ունեցող քաղաքներում՝ թե՛ մեկը և թե՛ մյուսը, ինչպես նաև այլ խոշոր պաշտոնյաներ, ֆեոդալներ ու մեծատունների ներկայացուցիչներ և քաղաքային թաղապետներ (տանուտերներ): Այդ տեսակետից ուշագրավ է բյուզանդական մագիստրոս, «արեւից կատապան» Բագրատ Վիկացու Անիում թողած արձանագրությունը մի շարք հարկերի վերացման մասին, ըստ որում դա արվել է «յորժամ առին դտանուտերութիւնս Մխիթար իսկատոսն կրտին որդին և Գրիգոր Լապաստակի որդին սպաթար կոնկիտատն և Սարգիս Արտաւազա որդին սպաթար կոնկիտատն», որոնք և վերացրին հարկերը Բագրատի համաձայնությամբ³: Ինչպես տեսնում ենք, Բյուզանդական կայսրությունը Անիի տանուտերներին (թաղապետներին) շնորհել էր տիրոջանք:

Քաղաքային ինքնավարության մարմնի մեջ թերևս մտնում էին նաև ալլաղդի բնակչության ռայիսներ և քաղաքային արհեստավորական եղբայրությունների «ատյան ծերոց» կոչվող հասարակական խորհրդի ներկայացուցիչներ, թեև այդ բանը հաստատող տվյալներ չունենք:

Քաղաքային վարչության «գլխաւոր քաղաքին» նշանակող մարմնի ղեկավարն էր քաղաքապետը, որը աղբյուրներում հանդիպում է «քաղաքապետ» «ամիրա քաղաքին» անունների տակ: IX դ. հիշատակվում է Թիֆլիսի «քաղաքապետն Սահակ»: Սա դեռևս քաղաքի տեր սենյոր էր, ինչպես երևում է Թովմա Արծրունու վկայութունից: Երբ Բուլղալի զորքերը պաշարեցին Թիֆլիսը, Սահակը փորձ արեց փրկել քաղաքը արաբների հետ բանակցելով, որի համար նա դուրս է դալիս քաղաքի սենյորին վայել զգեստավորմամբ: «Իսկ քաղաքապետն

¹ «Հայոց նոր վկաներ», էջ 108:

² Նույն տեղում, էջ 111:

³ Ա ի շ ա ն, Շիրակ, էջ 70—72:

Սահակ ելևալ ընդ դուռն, որ ելանէ ի բերդն Շամշլտայ, սամոյր զինքեամբ արկեալ և գաւաղանն ի ձեռին առեալ...», — ասում է պատմիչը:

IX—XI դդ. շատ քաղաքներ իրենց գաւառով դարձել էին առանձին ամիրայություն, և ամիրան միաժամանակ գաւառապետ, այսինքն պարզապես ֆեոդալ սենյոր էր: Բյուզանդական կայսրության մեջ իրրև քաղաքապետ ու դավառապետ նշանակվում էին իշխանները կամ մեծ մասամբ զորավարները: Այդպիսին էր նաև Մելիտենեի «քաղաքապետ» հայազգի իշխան Գարրիելը XI դ²: Աղբյուրներում վկայություն կա, որ սելջուկների մոտ ևս քաղաքի զորավուխը միաժամանակ քաղաքի վերակաջուն էր. «զօրագլուխ քաղաքին, որ արքունական հրամանաւ ընկալեալ ունէր ղվերակացութիւն քաղաքին»³:

Սակայն դեռևս սենյորի իշխանության պայմաններում քաղաքային ինքնավարության մարմնի առաջացման հետ, լայն առումով գործածվող ամիսա տերմինը տարրերակվելով «ամիրա քաղաքին» ձևով, ավելի նեղ իմաստ է ստանում և նշանակում է քաղաքապետ կամ քաղաքագլուխ: Սա նշանակվում էր ֆեոդալ սենյորի կողմից և կանգնած էր քաղաքային ավագանու խորհրդի գլուխ: Ուն (1216) թ. Անին Զաքարյանների սենյորիալ տիրույթն էր, բայց նրանք քաղաքի ամիրա էին նշանակել ոմն Վահրամի, թերևս Պահլավունի տոհմից, որը Անիի Գրիգոր եպիսկոպոսի հետ միասին վավերացրել է վրաց նպիփան կաթողիկոսի ուղերձը Անիի վրացի բնակիչներին: Արձանագրության մեջ, ըստ Հ. Օրբելու ընթերցման, ասվում է. «ես տէր Գրիգոր իրիցապետ ե(պիսկո)պոս ևս Վահրամ ամիրայ քաղաքիս վկա ենք...»⁴: Նույն ժամանակների մի արձանագրության մեջ, ոմն Լուսոտ շինել է Անիի պարսպի մի աշտարակը և իր թույլած արձանագրության մեջ ասում է. «ի յամիրաութեան Վահրամա կատարեցաւ բուրջս»⁵: Վահրամից հետո, ինչպես երևում է, Անիի ամիրան էր Երկաթը՝ Պահլավունի տոհմից: Մեռած իրիցկնոջ «գմահուան զկենաց և գմատաղից» «մեծ և փոքր մուտք»-ը վերացնելու առթիվ Առաքելոց եկեղեցու վրա փորագործված Ուն (1220) թ. արձանագրության մեջ ասվում է. «ես տէր Սարգիս որդի Ասիրատին առաջնորդ մայրաքաղաքիս Անույ և կամակցութեամբ ամիրիս երկաթա յաղագս բարեպաշտ և Աստուածասէր պատրոնաց մերոց աթարակ Իւանէի և Ամիրսպասալար Շահնշահ Սարգսի և Աւագի երկար կենդանութեան և յիշատակի մեծ սպարապետին Հայոց Զաքարէի ազատեցաք զամենայն քաղաքիս բահանաիցս զիրիցկնոջ մուտք զմահուան և զկենաց և գմատաղից...»⁶: Այս արձանագրությունից պարզվում է, որ «ամիր» բառով հիշատակված է երկաթի պաշտոնը և ոչ թե մականունը, այդ պատճառով էլ բացի ամիր երկաթ սովո-

1 Թ ո վ մ ա Ա ր ծ ր ո յ ի, էջ 285:

2 Ա լ ի շ ա ն, Սիսուան, էջ 47:

3 «Հայոց նոր վկաներ», էջ 78:

4 Հ. Օրբելի, նշված անտիպ ժողովածուն, արձանագրություն № 168: Ղ. Արիշանի (Շիրակ, էջ 49), ինչպես և Կ. Բասմաջյանի մոտ Վահրամը անվանված է «պատրոն քաղաքիս»: Այս ընթերցումը տարակուսանք է առաջացնում, որովհետև պատրոն կոչվում էին քաղաքի ֆեոդալ տերերը, իսկ քաղաքապետը կարող էր կոչվել ամիրա կամ իրրև ֆեոդալ նաև «պարոն» և ոչ թե պատրոն:

5 Ա լ ի շ ա ն, Շիրակ, էջ 43:

6 Հ. Օրբելու կազմած ժողովածուի № 44 արձանագրության մեջ Անիի Բարսեղ արքեպիսկոպոսն իրեն համարում է «որդր ամիր երկաթի»:

7 Հ. Օրբելի, նշված ժողովածուն, № 43 արձանագրություն:

րական ձեռից, հանդիպում է նաև նույն անձնավորության նույնպիսի անունն առանց տիպոգրաֆի¹:

ՉԼԳ (1284) թ. մի արձանագրությամբ Անիի մեծահարուստ Սահմադինի որդի Սենուպ Սահմադինի վերացնում է Մրեն փոքրիկ քաղաքի «տասնական հազին որ ի շարիատն» էր: Արձանագրության վերջում փորագրված է. «Կիլիկիայի նայ ամիրութեամբս գրեցաւ»²: Հայտնի է, որ Մրենը, Բագրատունի թագավորներին պատկանող, ապա Զաքարյաններին անցած այս փոքրիկ քաղաքը, Սահմադինի 1261 թ. փողով գնելով Զաքարյան Շահնշահի որդի Արտաշիռից դարձրել էր իր մասնավոր տիրույթը և նստավայրը. սակայն այս փոքրիկ քաղաքում էլ կար քաղաքային վարչություն և քաղաքապետ ամիրա, որի մասնակցությունը, գոնե միջնորդությունը «տասնական հացին» վերացնելու մեջ ակնհայտ է: ՉԿԹ (1320) թ. հունանդիզը, որը նույն տարին վախճանված Անիի տեր Բաբակ Շահնշահի կինն էր, վերացրել է Անի քաղաքի «ղկովերոյն և զիշանոյն զհամբերելէն և զգոնագիրն մեծի և փոքրոյ»: Արձանագրության վերջում փորագրված է. «Այս բարիս և ողորմութիւնս հաստատեցաւ ի յամիրաութեան պարոն Լիսին»³: Այս արձանագրության մեջ ևս երևան է դալիս ամիրայի միջամտությունը հարկերի թողության գործում:

Ամիր տերմինի քաղաքի կառավարիչ կամ քաղաքապետ իմաստը ցույց է տվել ակադ. Զավախիշվիլին, որը գեռես 1928 թ. նշել է, որ քաղաքի գլուխ կանգնած էր ամիրը, իսկ առավել խոշոր քաղաքների գլուխ՝ ամիրների-ամիրը-Զավախիշվիլուն հետևելով հետագայում նույն բանը պնդում է Ս. Նրամյանը. նա նշում է, որ Հյուսիսային Հայաստանում ամիրները կամ ամիրների-ամիրները ենթարկվում էին Զաքարյաններին, միայն Կարսի ամիրների-ամիրն էր ենթարկվում անմիջականորեն վրաց թագավորին, որ նրանց գործունեությունը վերահսկվում էր քաղաքային ավագների խորհրդի՝ երիցանիի կողմից, որի նա խաղաղն էին նրանք⁴: Ամիր տերմինի քաղաքապետ իմաստը Զավախիշվիլուց անկախ նկատել է պրոֆ. Ն. Սամվելյանը: Նրա ասելով ամիր նշանակում է «քաղաքի վարչապետ» կամ քաղաքի ղեկավարին կառավարիչ, նա գրում է. «...Անի քաղաքի ղեկավարին կառավարիչները, որոնք նշանակվում էին վրաց թագավորների կամ Զաքարյանների կողմից, կոչվում էին ամիր... Ուրեմն ամիր տիրոջը համապատասխանում է բյուզանդական տիրապետության ժամանակվա կատապոլանին»⁵: Բայց այս համեմատությունը հաջող չէ, քանի որ կատապոլանը ավելի շուտ նահանգապետ էր, օժտված նաև զինվորական իշխանությամբ, քան քաղաքապետ:

Քաղաքային ինքնավարության դարդացման հետագա քայլերը եղան քաղաքային աշխարհադրի, աշխարհիկ դատարանի և օրենսդրության առաջացումը, քաղաքային բնակչության ղերի աճը, հասարակական ժողովների գումարումը և այլն:

¹ Ա ի շ ա ն, Շիրակ, էջ 24:

² Նույն տեղում, էջ 139—140:

³ Ա ի շ ա ն, Շիրակ, էջ 62—63:

⁴ С. Т. Еремян, Армения в IX — первой четверти XIII в. («Очерки истории СССР. период феодализма, IX—XV вв.»), ч. I, էջ 607—608.

⁵ Պրոֆ. Ն. Սամվելյան, Հին հայ իրավունքի պատմություն, հատ. 1, Երևան, 1939, էջ 240—241:

Պետք է նկատել, որ քաղաքային ինքնավարության դարգացման համար զգալիորեն տարբեր պայմաններ կային այն քաղաքներում, որոնք անմիջապես հսկող սենյորի նստավայր էին, նրա իշխանության կենտրոնը և այն քաղաքներում, որոնք գտնվում էին ընդհանուր պետական ենթակայության ներքո և ազատ էին սենյորի անմիջական ներկայությունից: Պետական ընդհանուր ենթակայության քաղաքներում շատ ավելի նպաստավոր էող կար քաղաքային ինքնավարության զարգացման համար:

Այդ տեսակետից վերին աստիճանի բնորոշ, թեև կցկտուր փաստեր մեզ հասել են Արծն քաղաքի պատմությունից: Արծնը անպարիսպ մեծ քաղաք էր, որ հետադարձության և առևտրի խոշոր կենտրոն: Հայաստանի վրայով անցնող հյուսիսային առևտրական մայրուղին Արծնի վրայով միանում էր Սև ծովի խոշորագույն նավահանգիստ Տրապիզոնի հետ: Արիստակես Լաստիվերտցին, որն ինքն էլ արծնեցի էր, Արծնի մասին ասում է. «Հոյակապ և ականաւոր էր ամենայն աշխարհաց, իբրև քաղաք, որ ի վերայ լերինն կայցէ. և ծով և ցամաք երկներ և առատանայր կրել ի սմա զլօրութիւն իւր...»: Մատթեոս Ուռհայեցին ասում է, թե Արծնը հոյակապ ու բազմամբոխ քաղաք է «անթիւ բազմութեամբ լցեալ զարանց և զկանանց և անհամար չափս ոսկւոյ և արծաթոյ»:

Արծնը 1048 թ. դրավեցին ու անդամալ կերպով կործանեցին սելջուկ թուրքերը. այդ առթիվ հայկական աղբյուրների պահպանած վկայությունները լրացվում և ստուգվում են բյուզանդական աղբյուրների շնորհիվ: Միքայել Աստալիատեսը Թեոդոսուպոլիսի (Կարին) և Արծնի մասին խոսելով ասում է, թե Թեոդոսուպոլիսը «բլաված էր և դարձել էր անբնակ, այն պատճառով, որ նրա մոտ էր գտնվում շատ հարմար գլոր ունեցող Արծն Սօլլէսէ-ն, որտեղ տեղափոխել էին իրենց բնակությունը: Նրա բնակիչները: Եվ նա (Արծնը) դարձավ մեծ գյուղաքաղաք. (չօրօքուէ) ի մեծ քանակությամբ բազմապիսի ապրանքներով, որ բերում էր Պարսկաստանը, Հնդկաստանը և մնացած Ասիան: Ահա այդ քաղաքը, խոսքս Թեոդոսուպոլիսի մասին է, մի քանի տարի առաջ վերականգնված և ամրացված էր խրամով ու պարիսպներով, թուրքերի անվստահի հարևանության պատճառով, որոնց հարձակումից Արծն Սօլլէսէ-ն, մեծ կոտորածի զոհ դարձավ և դրավեց»¹:

Բյուզանդական մյուս ժամանակագիր Էկորդիոս Կեղրենոսը հաղորդում է, որ Արծնը մարդաշատ ու բազմահարուստ գյուղաքաղաք է (չօրօքուէ), որ այստեղ պարզապես նշանակում է անպարիսպ քաղաք: Քաղաքի բնակիչները «համաձայնվեցին ապրել պարիսպներից ներս այն ժամանակ, երբ Թեոդոսուպոլիսը հարևան էր նրանց, որը մեծագույն քաղաք էր և ուներ հզոր ու անառիկ պարիսպ, և շնայած, որ Կեկավմենոսը նամակներով և սպառնաց և խնդրեց այդ անել: Երբ թուրքերը հասան և ձեռնարկեցին գործը (քաղաքի պաշարումը), Արծնի մեջ գտնվողները փակելով ճանապարհները և բարձրանալով տների տանիքները, քարերով, փայտերով և աղեղներով գիմաղրում էին հարձակվողներին. և նրանք կովեցին ամբողջ վեց օր: Երբ այդ լուրը հասավ ստրատեղներին (գորավարներին), Կեկավմենոսը կողմնակից էր և խնդրում էր դուրս գալ և

¹ «Պատմութիւն Արիստակէայ վարդապետի Լաստիվերտցւոյ», Վենետիկ, 1844. էջ 53:

² Մատթեոս Ուռհայեցի, Ժամանակագրութիւն, էջ 102:

³ Attaliata, ed. Bonn, էջ 148:

բախվել թուրքերի հետ... Դրան հակառակվում էր Ահարոնը ասելով՝ ոչինչ պեղաք չէ ձեռնարկել թաղավորական ցանկությունը հակառակ, և նա մնում էր հանգիստ։ Իբրահիմին հայտնի չէր իրերի ընթացքը և չկարողանալով շարունակել քաղաքի պաշարումը և անտեսելով հարստությունն ու ավարը, հրամայում է հրդեհել տները։ Թուրքերը անմիջապես վառելով ջահերը և դյուրավառ նյութ, նետում են տների վրա։ Երբ կրակը բռնկվեց ամենուրեք և բարձրացավ հսկայական հրդեհ, ապա արծնեցիք չկարողանալով դիմանալ կրակին և նետերի հարվածներին, դիմեցին փախուստի։ Ասվում է, թե սպանվեցին շուրջ 150 հազար մարդ, ոմանք զոհ դարձան զաշուլչի հարվածներին, ոմանք՝ կրակին։ Նրանք իմանալով, որ պարսավելով պիտի կոտորվեն (մորթոտվեն) իրենց կանանց ու երեխաներին նետում են կրակի մեջ...»¹։

Այս վկայությունների մեջ մի շարք կարևոր կետեր կան. նախ՝ Արծնը Հայաստանի քաղաքներից միակն էր, որը բյուզանդական ազդյուններում անվանվում է Παλιζα, այսինքն՝ ինքնավար համայնք, ուստի նրա բնակիչները չեն կամեցել Թեոդոսուպոլիս (Կարին) փոխադրվել, որպեսզի ոչ միայն նյութական վնասներ չկրեին, այլև ինքնավարությունից չզրկվեին, իսկ կայսրը և նրա ստրատեգ Ահարոնը չէին շտապում պաշտպանել Լործնը և թերևս այդ եղանակով փորձում էին ստիպել նրա բնակիչներին փոխադրվելու Կարին և ենթարկվելու բյուզանդական ստրատեգին։ Երկրորդ՝ քաղաքը սելջուկյան բանակից պաշտպանվել է իր զորքով և սեփական միջոցներով, համառ կռիվներ մղելով վեց օր շարունակ։ Քաղաքի բնակչությունը պաշտպանվել է պարզապես սեփական աշխարհազորի ռժերով, որը հաստատվում է նաև հայ սպամիչների վկայությամբ։ Այսպես՝ Ուռհայեցին գրում է. «Եւ քաղաքացիքն տեսեալ զզօրս այլազգեացն միարաւն ի պատերազմ ելեալ, և իւմբեցաւ շուրջ զեզերօ՛ւ ֆաղափիս սաստիկ և ահաւոր պատերազմ. և եղև զվեց ժամ աւուրն զմիմեանս կոփէին և արեամբ լցաւ անդաստանքն, վասն զի ոչ զոյր տեղի փախստեան և ոչ օգնական, միայն զմահն ունէին յոյս. և ի բազմութենէ անօրինացն ձանձրացան զօրքն ֆաղափին և ի փախուստ դարձան. և այլազգիքն սրով յարձակեցան ի վերայ քաղաքին և սաստիկ կոտորածով առ հասարակ ի ներքոյ սրոյ անցուցին զամենայն քաղաքն իրեն զրիւրս հնգետասան»²։ Լաստիվերտցին էլ ասում է, թե սելջուկներն այնքան մարդ չուտորեցին, «զի ամենայն քաղաքն չի էր դիակամբք տնկելոցն, վաճառափողոցք և նրափողոցք և ընդարձակ սրահք»³։

Սելջուկները հրկիզեցին քաղաքը, և բնակիչներից շատերը հրի զոհ դարձան։ Նվաճողները կոզոսյուեցին քաղաքը և տարան հրից զերծ մնացած հարստությունները՝ բարձած 10 հազար սայլի վրա. ավարի մեջ էր նաև 19 հազար վահան⁴։ Այս վկայությունները շատ բնորոշ են. նրանք խոսում են քաղաքի զորքի մասին, որը կազմված էր քաղաքի բնակիչներից, որոնք միաբան ահավոր պատերազմ մղեցին և Ֆեծ քնակությամբ զենք ու զրահ ունեին։ Ուրեմն Արծնը ինքնավար մեծ քաղաք էր և սեփական աշխարհազոր ուներ։

¹ Georgius Cedrenus, Historiarum compedium, t. II, Bonnae, 1839, էջ 577—578։

² Մատթեոս Ուռհայեցի, Ժամանակագրություն, էջ 102—103 (ընդգծումը մերն է — Բ. Ա.)։

³ Ա. Լաստիվերտցի, Պատմություն, էջ 57։

⁴ Из «Тарих-ал-Камиль Ибн ал-Асира», пер. П. Жузе, Баку, 1940, էջ 116։

Անիի ինքնավարությունն ու սրա գործունեությունը երևան են դալիս ամենավճռական պահին՝ 1045 թ. երբ պետք էր լուծել քաղաքի բախտը, և բյուզանդացիների կողմից Անիի պաշտպանության հետո՝ երբ նա դառնում էր ընդհանուր պետական ենթակայության քաղաք։ Ուրեմն քաղաքային ինքնավարությունն սկսել էր առաջանալ ղեկավարատունիների շնորհիվ։ Բյուզանդական տիրապետության շրջանում Անիի քաղաքային ինքնավարության մտահոգության առարկան, ըստ մայր տաճարի վրա փորագրված արձանագրությունների, եղել են քաղաքային բնակչությանից դանձվող մի շարք հարկերի թեթևացումը, առևտրի համար գյուրություններ ստեղծելը, քաղաքի բարեկարգումը, օրինակ՝ պարիսպը վերանորոգելը, ջրմուղ անցկացնելը¹։ Ուշագրավ է, որ վերաբերված հարկերը սերտորեն առնչվում էին քաղաքային կյանքի և տնտեսության հետ։ Ահադոնը Ջոյա կայսրուհուց ոսկե մատանիով գիր է բերել «վասն պախտիդ տանց և թաստակին»։ Պարտք քաղաքի տների համար դանձվող հարկն էր, իսկ թաստակը՝ ինչ որ պարտավորություն էր, որը ըստ երևույթին տրվում էր քաղաքի բյուզանդական վարչության և զորքի համար պախտի հետ միասին տարեկան 8 լիտրի չափով։ Ինքը Ահադոնը տեղի իշխանավորների խնդրանքով վերցրել է մուհթասիրի վճարելիք երկու լիտրը։ Բյուզանդական մյուս կատապան Բագրատ Մադիստոս Վիսկացին վավերացրել է քաղաքի նոր միայն պաշտոնի անցած տանտեսների հրամանագրերը՝ մի շարք հարկերի վերացման մասին. ուրեմն այդ տանտեսները (քաղաքի մեծամեծները՝ թաղապետները) բնակչության ճշման տակ են գործել՝ ընդառաջելով նրա պահանջին։

Արձանագրության մեջ տանտեսներին անունները հիշատակելուց հետո ասվում է «աղատեցին (ուրեմն տանտեսներն են՝ աղատեցին) ղվեցկէ (երեք զույգ լծվող աքորի կամ թեթև գալանի) կող», սայլի և կամի կողը, անդարիտներ, որը քաղաքի պարիսպները և ամրությունները բարեկարգ պահելու համար տրվող պարհակն էր։ Բացի այդ սահմանվում է, որ կատապանը պետք է տար ինչ որ ընդհանուր կարիքների համար հարկավոր 600 մող սերմ և «ծախք բնծելոցն», իսկ մյուս մասը կամ այլ ծախսերն էլ պետք է հոգային իրենք՝ տանտեսները։ Արձանագրության մեջ այնուհետև ասվում է, որ տնեցիներն աղատվում են մի շարք շուկայական մաքսեր ու տուրքեր վճարելուց. «Երևելոք անեցի եթէ սայլով եթէ, դրաստով՝ բաժն աղատ է. եւ անեցի որ իւրենն մորթելիք զնէ բաժն աղատ է. եւ շալակաւոր անեցի յամէն ցեղ բաժին կէսն աղատ է. եւ ի կապճին (տվյալ ղեպքում՝ մի շալակ բեռ—Բ. Ա.) տաին դահեկանին 2 դրամ, այժմ տան Դ, Բ աղատ է. եւ մսագործի եթէ պախրէի լինի զլուխ եթէ ոչխարի՝ զկէսն տա կէսն աղատ է. և ի նստ ո ին կառլէն ու²։

Նման խոշոր գիջումները տանտեսները և կատապանները ստիպված էին անել ոչ այնքան քաղաքային տնտեսության զարգացմանը նպաստելու նպատակով, որքան տեղի տալով բնակչության համառ պայքարին³։ Բավական է հիշել, որ 1037 թ. անեցիները ապստամբելով քաղաքից դուրս էին քշել Պետրոս կաթողիկոսին, իսկ 1042—1045 թթ. Անիի բնակչությունն էր, որը հակառակ անեցի ֆեոդալների ու մեծամեծների կամքին, Վահրամ Պահլավունու ղեկավարությամբ պատենշի պես կանգնեց Անին պաշտպանելու համար և երիցս ջախջախեց բյու-

¹ Ա. Լիշան, Շիրակ, էջ 70։

² Նույն տեղում, էջ 70—72 (վերջին բառը սխալ ընթերցված է կամ անհայտ հարկի 600 դրամն է վերացվում)։

³ И. Орбели, Развалины Ани, СПб, 1911, էջ 17։

դանդական բանակները: Բնորոշ է, որ Ահաբոնի և Բաղրատ Վիկացու տնունները կրող արձանադրությունները, որոնք պարունակում են քաղաքային բնակչությանն արված մի շարք զիջումներ, վերադրվել են այդ անցքերին հաջորդած 10—20 տարվա ընթացքում:

Հայտնի է, որ սելջուկյան նվաճումներից հետո Ալի-Արսլանը Անին վաճառեց ծագումով քուրդ Շաղաղյաններին: Անին կրկին սենյորիալ քաղաք դարձավ, որի հետևանքով նրա ինքնավարությունը իհարկե տուժեց, բայց ինչպես երևում է, քաղաքային ավազանու խորհուրդը՝ ամիրի ղլխավորությամբ, պահպանեց: 1093 թ., երբ քաղաքի սենյորն էր Մանուչեն, իրեն Անիի և Շիրակի իշխան հիշատակվում է Գրիգոր Ապիրատյանը՝ Պահլավունի տոհմից, որն Անիում հաստատվեց խոշոր թվով հայ ազնվականների հետ: Կարելի է ենթադրել, որ նա Մանուչենի վասալն էր և քաղաքի իշխանության անմիջական ղեկավարը: Շաղաղյանների տիրապետության ժամանակաշրջանում նրանց սենյորիալ իշխանությունը հետզհետե ամրապնդվեց: Շաղաղյանները նստում էին քաղաքում և ոչ միայն կեղեքում էին նրա բնակչությանը, այլև անմիջապես տնօրինում քաղաքի կառավարումը: Անիի պես խոշոր քաղաքում, որի բնակչությունը երբեմն կարողանում էր իր կամքը թելադրել բյուզանդական կառավարին և ֆեոդալական վերնախավին, սենյորիալ վիճակի վերականգնումը հնարավոր դարձավ սելջուկյան արշավանքների ժամանակ քաղաքին հասցված ծանր հարվածների և սելջուկյան տիրապետության հետևանքով: Սակայն միառժամանակ հետո ավերված քաղաքն սկսեց բուսել իր վերքերը, աստիճանաբար վերականգնվեց քաղաքի տնտեսական կյանքը, վերսկսվեց նաև ալալքարը սենյորի իշխանության և կեղեքումների դեմ:

Հայնորեն հայտնի է Անիի բնակչության յուստամբությունը Շաղաղյաններին դեմ 1123 թ. և հետագա անցքերը մինչև 1126 թ.: Գիտական զրականություն մեջ այդ ապստամբությունը դիտվել է միակողմանի, սոսկ իբրև քաղաքային բնակչության պայքարը օտար տիրապետության և կեղեքման դեմ: Բնավ չանտեսելով հարցի այդ կողմի կարևորությունը, կկամենայինք բնվերցողի ուշադրությունը սրել մյուս կողմի վրա, և 1123, 1126 թթ. անցքերը դիտել սենյորի դեմ՝ քաղաքային ինքնավարության համար մղված պայքարի տեսանկյունից:

Աղբյուրները հաղորդում են, որ 1123 թ. Անիի բնակչության ներկայացուցիչներն են, որ դիմել են վճաց Գալիթ IV թագավորին՝ խնդրելով ազատել քաղաքը Արուստարից: «Տարակուսեալ տառապեալ բնակիչք քաղաքիս Անույ և Նիրսակ գաւառի խորհեցան եւս գտանել մրրկին ձեռն տալով յարքայն վրաց ի Գալիթ...»²: «Առնելով զթաղաւորն ի ներքս՝ բանալով ըզդրունս քաղաքին, որ բնդ մտանէն տոժամաչն, եղև վընաս արեան և ոչ միոյ շնչոյ»³: Վտրդան պատմիչի վկայությամբ քաղաքի բնակչությունը ընդվզել էր «անարի և կնամարդի» Արուստարի դեմ, «որ կամեցաւ վաճառել զԱնի վաթսուն հազար զենարի ի վերայ Կարուց ամիրային և ետ բերել նալ ծանրագին և բարձրահասակ ի Խլաթայ, և զնել ի վերայ զմրեթի կաթուղիկէին, վոխելով զկեղեալն առաջնոցն. վասն որոյ

¹ Մ տ ե վ ա ն ո ո թ ռ ե լ յ ա ն. Պատմությունը նախանդին Սիսական, Թիֆլիս, 1910, էջ 320:

² «Ա մ մ ու է լ ի ք ա հ ա ն ա յ ի Ա ն ե յ ո յ հաւարմունք ի զրոյ պատմազրոյց», Վաղարշապատ, 1893, էջ 125:

³ Նույն տեղում, էջ 125—126:

սրտառեալ Քրիստոնէիցն կոչէն զԴաւիթ, և տան ի ձեռս նորա քաղաքն Անի»¹։ Վրաց աղբյուրներն էլ վկայում են, որ երբ Դավիթը մի շարք հարվածներ հասցրնելով սելջուկներին եկել էր Թրիալեթի, 1123 թ. օգոստոսին նրա մոտ «եկան անեցիլ աւագներլ (ղիվանա)ղսլիրներր և հայտնեցին քաղաքն ու բերդերը նրան տալու մասին»²։ «Եւ հասանէր առ նա թուղթ ի յաւագագն Անուլ՝ եթէ եկ տացուր զքաղաքս ի ձեռդ քո. և գնաց վաթսուն հազար հեծելովք և զկնի երից աւուրց խոռ զնա»³։

Այս վկայություններից երևում է, որ քաղաքի բախտը որոշում են նրա բնակիչները կամ՝ քաղաքի ավագները, որոնք հրավիրելով վրաց Դավիթ թագավորին, քաղաքը հանձնում են նրան, բացելով քաղաքի դռները և այնպես անելով, որ արյունահեղություն չլինի։ Դավիթ IV «Անվոյ պահապան թողեց մեպխեցի աղատներին (ազնվականներին), իսկ ինքը վերադարձավ Քարթլի...»⁴։ Վարդան սլաւամիչն ասում է. «Իսկ թագաւորն զԱբուլեթ և զորդին իւր Իւանէ թողեալ ի յԱնի՝ դառնայ յերկիր իւր, ընդ իւր տանելով զԱպստար որդւովք իւրովք. որք անդէն մեռան և ոչ ևս դարձան»⁵։ Այսպիսով, ապստամբ Անին ազատվեց ֆեոդալ սենյորի անմիջական տիրապետությունից և դարձավ ընդհանուր պետական ենթակայության քաղաք։ Աբուլեթը, ինչպես երևում է աղբյուրներից, լինելով Անիի պահապան ղորավարը, ղուցեց և ամիրը, համեմատելի գործակցում էր քաղաքի ավագանու հետ։ Սակայն սենյորը չէր կամենում իր զորքերը ղիջել և Աբուլստարի ավագ որդին՝ Փաղունը, որը գնացել էր Խորասան, 1126 թ. սելջուկյան իշխանավորների օգնությամբ բանակ կազմեց և եկավ պաշարեց Անին։ Ինորոշ է, թե ինչպիսի համառությամբ և անձնվիրությամբ էր կռվում քաղաքի բնակչությունը Փաղունի դեմ, կանգ չառնելով ոչ մի զոհաբերության առաջ։ Թշնամու դեմ արիաբար կռվում էր Աբուլեթի որդին՝ Իվանեն։ Քաղաքի պաշտպանության համար տղամարդկանց կողքին մաքառում էին և կանայք, որոնցից հերոսության անմահ անուն վաստակեց մի կին՝ «Այծեմն կոչեցեալ»։ Քաղաքում սկսվում է «սով, մարդաժախսութիւն»⁶, և տեղի տալով թշնամու գերակշիռ ուժերին, Անին հանձնվում է Փաղունին. «Ապա հարկեցան տալ անդրէն ի Փաղունն զսա դաշինս երդմանց պահանջեալ ի նմանէ», որ տեղի ունեցածի համար վրեժխնդիր չլինի քաղաքի բնակիչներից⁷։ Վարդանի վկայությունից երևում է, որ Փաղունի հետ բանակցող-պայմանադրվողները եղել են Աբուլեթը և քաղաքի ավագները⁸։

Անիի 1123 և 1126 թթ. պատմական անցքերը հայ և վրացի դարավոր հարեւան ժողովուրդների բարեկամության ցայտուն արտահայտություններ լինելով, միաժամանակ քաղաքային ազատությունների և ինքնավարության համար սենյորի դեմ մղված պայքարի նշանավոր գրվագներ են։

Իրենց սենյորի դեմ Անիի բնակչության պայքարի վերաբերյալ մի վկայություն պահպանվել է Ալ-Խարիկեի ժամանակագրության մեջ։ 1155 թ. տակ Ալ-

¹ Վ ա ռ դ ա ն, Հաւաքումն պատմութեան, Վենետիկ, 1662, էջ 119։

² Պ Ր Ո Ֆ. Լ. Մ Ե Լ Ի Ք Ս Ե Թ Բ Ե Կ, Վրաց աղբյուրները Հայաստանի և հայերի մասին, Կատ. Ա, Երևան, 1934, էջ 218։

³ Նույն տեղում։

⁴ Լ. Մ Ե Լ Ի Ք Ս Ե Թ Բ Ե Կ, նշվ. աշխ., էջ 218—219։

⁵ Վ ա ռ դ ա ն, Հաւաքումն պատմութեան, էջ 119։

⁶ Ս ա մ վ Ե Լ Ա ն Ե ց Ի, էջ 127։

⁷ Նույն տեղում։

⁸ Վ ա ռ դ ա ն, էջ 120։

Ֆարիկեն հաղորդում է. «Հոգևորականները (իմա՝ քրիստոնյաները, այսինքն՝ քաղաքի բնակիչները—Բ. Ա.) ապստամբեցին Անա (Անի) քաղաքում և խլեցին այն Ֆարիկալ-դին Շաղղաղ իբն Մահմուդ իբն Մանուշիհից և քաղաքը հանձնեց նրա եղբայր Փաղուենին»¹։ Անշուշտ այդ ապստամբությունը և իշխանությունը Ֆարիկալ-դինից խլելն ու Փաղուենին հանձնելը հետապնդել է սենյորի մշտնադարձ մեղմացնելու և քաղաքի բնակչության համար արտոնություններ ձեռք բերելու նպատակ։ Նման անցքերը կրկնվել են և հետագայում՝ 1161 և 1173 թթ.։ 1161 թ. տակ Ալ-Ֆարիկեն հաղորդում է. «Հոգևորականները Անա քաղաքում ապստամբեցին քաղաքի տիրոջ ամիրա Ֆաղուեն իբն Մանուշիհի դեմ և նա սլարտություն կրեց։ Նա գնաց Բաբրան»² (կամ Կարան, որը հարևան էր Սուրմարիին)։ Հոգևորականները հանձնեցին Անուն Արիադիայի թագավոր Գիորգիին. նրա բանակը եկավ և Գիորգին տիրեց քաղաքին։ Նա վերցրեց մեծ ավար Անայից և գերի տարավ Շաղղաղի ամրոցը ընտանիքը, ներառյալ և Ֆաղուենին (իբն Մահմուդին)։ Ջումադայի 1-ին (մայիս, 1161 թ.) Արիադիայի թագավորը իր արքունիքի կառավարիչ Սադունին նշանակեց կառավարիչ (Անիում) և վերագործավ թիֆլիս»³։

Այս անցքերի մասին կան և այլ վկայություններ⁴, բայց ուշադրավ են նաև վրաց աղբյուրները։ Գիորգի թագավորը, ինչպես ասում է պատմիչը, «իր ձեռքը դրեց քաղաքը և չհեռացավ այնտեղից, մինչև որ չբարեկարգեց նրա կառավարությունը և հաստատապես չտիրեց նրան իր դահի պահպանության ու ամրացման նպատակով։ Եվ թողեց այնտեղ մանդատորթություն և ամիր սպասալար Հովհան (Իվան) Օրբելուն, Սարգիս Մխարզթևուն և այլ զավառների (թեմերի) մեծամեծ ազնվականներին (ազնավորժներին)՝ տալով նրանց ինամակալություն (ամուռումով լուծիլ)»...⁵։ Շուտով Գիորգին իր գործով հարկադրված եղավ կրկին ճակատամարտ տալ Անիի վրա արշաված սելջուկների բանակի դեմ և ջարդելով նրանց «երեք օր մնաց Անիի դռան Վերդ թագավորը, որն ապա՝ հոգալով քաղաքի մասին և նշանակելով այնտեղ ամիրա և գորաբանակ՝ շարժվեց տեղից և վերագործավ Տիգրիս...»⁶։ Ուշադրավ է, որ Անիում է նշանակվել ամիրա, որը վրաց պետական պաշտոնյա լինելով, միաժամանակ հանդիսանում էր քաղաքի ավագների խորհրդի ղեկավարը։ Վարդանի հաղորդած տեղեկություններից նույնպես իմանում ենք, որ այդ ամիրան եղել է Արծրունի Սադուն իշխանը, ապա Զաքարյան Սարգիսը։ Վարդանը գրում է, որ Գիորգին «թողոյր ի Վանի վճարուն իշխանն, յորտ վերայ կարծիր ապստամբության և դեն՝ վասն խնամով տմրացուցանելն զպարիսպ քաղաքին, գոր իմացեալ թագաւորն ընկենու զնա ի պատուոյ... և զիշխանն Զաքարեան Սարգիս՝ գնեն ի տեւի նորա ի Վանի»⁷։ Սակայն Վարդանը պատմում է, որ սելջուկները չորս տարի շարունակ Անին պահում են «ի տառապանս անվար և անհանգիստ» և Գիորգին զիջում է

¹ Տե՛ս V. Minorsky, *Studies in Caucasian History*, London, 1953, էջ 88:

² Բաբրան ժողովրդական բարբառային ձևն է Բաղարան հայտնի տեղանվան։

³ Վ. Միսորսկի, նշվ. աշխ., էջ 89:

⁴ Վ. Միսորսկին մեջ է բերում Ղազի Բարհան ալ-դին Աբու Նասր Մասուդ Անկյու պակաս արժեքավոր վկայությունը (տե՛ս նույն էջը)։

⁵ Լ. Մելիքսեթ-Բեկ, նշվ. աշխ., հատ. Բ., էջ 8:

⁶ Նույն տեղում, էջ 9:

⁷ Վարդան, էջ 127:

քաղաքը նախկին տերերին¹, ըստ որում այդ սնում է եկուկուղ Աթարեկի միջամտությունից հետո²:

1173 թ. (ըստ Վարդանի և Ալ-Ֆարիկեի՝ 1174 թ.) Գիորգին կրկին գրավում է Անին, որտեղ հաստատվում է Իվանե Օրբելին: Երբ սելջուկյան զորքերը արշավում են Շիրակի վրա, Իվանեն կամենում է քաղաքը հանձնել սելջուկ թուրքերին, բայց «ոչ հաջողեցաւ զործն զի իմացաւ քաղաքն և զզուշացան»³: Քշնամին ետ մղվեց, և Անիի եպիսկոպոս Բարսեղի խնդրանքով ղերությունից ազատվելով Անի եկավ նրա եղբայրը՝ Ապիրատը, որը հավանաբար քաղաքի ամիրը պարծավ⁴:

Հզորացող վրացական պետությունը ձգտում էր իր սահմաններում ունենալ մեծահարուստ ու հուշակավոր Անի քաղաքը, որն այդ պետության սյուներից մեկը կդառնար. դա ձեռնտու էր նաև Անիի բնակչությանը, որք ոչ միայն օգուտ կքաղեր բարեկամ ժողովրդի պետական հովանավորությունից, այլև կազատվեր սենյորիալ տիրապետությունից և հնարավորություն կունենար առաջ տանելու իր ինքնավարությունն ընդհանուր պետական ենթակայության քաղաքում: Ահա թե ինչու Վրաստանի և սելջուկյան իշխանությունների միջև մղվող շատ համառ այդ պայքարում անեցիներն ամբողջովին հակված էին դեպի Վրաստանը:

Շուտով Անին նորից անցնում է Շաղաղղյան սենյոր-տերերի ձեռքը և այդ վիճակում մնում մինչև 1111 թ. վերջը: Քաղաքը աճել, բնդարձակվել էր, առաջադիմել էր նրա տնտեսական կյանքը՝ արհեստագործությունը, առևտուրը, դոյացիլ էին նոր հաստութարեր հաստատություններ՝ ջրաղացներ, ձիթհաններ, փրնդուկներ, խանաբարներ և այլն: Աճել էր քաղաքային դասը, բարձրացել էր մեծատունների զերը: Հետևաբար, երբ 1199 թ. Անին իր զավառով ազատագրվեց և մտավ վրաց պետության կազմի մեջ, քաղաքային ինքնավարության զտրդացման համար նախադրյալներն ու պայմաններն ավելի մեծացան: Թամար թագուհին ազատագրված Հյուսիսային Հայաստանը, որի մեջ մտնում էր նաև Շիրակը իր Անի կենտրոնով, շնորհեց Զաքարյաններին, բայց Անին նրանց նստավայրը չդարձավ: Քաղաքի կառավարման համար Զաքարյանները նշանակում էին ամիր, որը գլխավորում էր քաղաքային ավադանու խորհուրդը: Ամիրը քաղաքի աշխաբհիկ իշխանության ղեկավարն էր, իսկ եպիսկոպոսը հոգևոր պետը՝ ժողոված գերագույն դատական իրավունքով: Նրանք երկուսը միասին համարվում էին քաղաքային ավադանու ղեկավարները. ահա թե ինչու 1216 թ. Անի քաղաքի ամիր Վահրամը և Գրիգոր եպիսկոպոսը վավերացրին վրաց եպիսկոպոսի կաթողիկոսի ուղերձը, որն ինքնին կարևոր երևույթ էր, քանի որ նշանավորում էր դավանաբանական համընդհանրությունը և քաղաքի հայազավան ու վրացազավան բնակչության համերաշխությունը: Վահրամից հետո Անիի ամիրը ներկաթ Պահլավունին էր: Այսպես ղրությունը շարունակվում էր մինչև մոնղոլական տիրապետության հաստատումը, որից հետո քաղաքի տիրապետության ղերուհույն իրավունքն անցավ մոնղոլներին, իսկ Զաքարյաններն արդեն նստում էին Անիում և հանգիստանում քաղաքի պարոնները կամ պատրոնները և ըստ երևույթին վարում էին նաև ամիրի պաշտոնը: Քաղաքի ինքնավարությունն աստիճանաբար նվազեց և քաղաքի անկման հետ վերացավ:

¹ Վարդան, Հաւաքումն պատմութեան, էջ 127:

² Լ. Մելիքսեթ-Բեկ, նշվ. աշխ., հատ. Բ, էջ 10:

³ Վարդան, էջ 130:

⁴ Նույն տեղում:

թյան դերի աճման մասին: Դժբախտաբար այդ կարևոր հարցի վերաբերյալ մատենագրական աղբյուրների վկայությունները կցկտուր են և միանգամայն պատահական: Մատթեոս Ուոհայեցին մի դեպք է պատմում հայրենի քաղաքի կյանքից: 1083 թ. մեռնում է Ուոհայի տեր իշխան Վասիլը՝ դա Մանադկերտի հակառակորդ հետո էր, երբ Բյուզանդական կայսրության իշխանությունը ծայրամասերի վրա թուլացել էր: Ուոհան փաստորեն ինքնուրույն քաղաք էր, ուստի քաղաքի բնակչությունն ինքն է որոշում, թե ում պետք է հանձնել քաղաքի տնօրինությունը: Ժողովուրդը հավաքվում է քաղաքի մայր տաճարը և համապատասխան որոշում ընդունում: Պատմիչն ասում է. «Եւ արարին ժողով ամենայն քաղաքն ի սուրբ Սոփի և տան զքաղաքն Ուոհա ի ձեռն Սմրատայ՝ առն քաջի և արիական պատերազմողի ընդ Պարսից: Եւ կացեալ Սմրատայ ի յաթոտ տուկութեանն Ուոհայոյ վեց ամիս»¹: Ուրեմն քաղաքի բնակչությունն է որոշում, թե ում պետք է հանձնել քաղաքի ղեկավարության պաշտոնը, որովհետև կայսրությունն այդ անել չէր կարող: Դա երևում է ս:յն բանից, որ այդ պաշտոնը փորձում է խլել Արքեթենց իշխան անունով մեկը, որը դիմում է Ֆիլարտոս Վարաժնունու օգնությանը և ի վերջո Ֆիլարտոսն է տիրում քաղաքին²: XIII դ. մի քարոզից երևում է, որ քաղաքի հրապարակներում զուգարվող հասարակական ժողովները սովորական երևույթ էին և, որ կարևորն է՝ քարոզի հոգևորական հեղինակը զեմ է նման ժողովներին և համարում է դրանք անցանկալի բան: Քարոզում իրար են հակադրված երկնային արքայությունը և իրական կյանքը: Առաջինն ազատ է երկրորդի մերժելի և մեղսալից իրականությունից: Արքայության մեջ չկան դիշեր, մեղքերի խալար, ուտել, ըմպել, մահ, հիվանդություններ, այդ տմենը երկրի վրա է: Արքայությունն է, որտեղ չկան նաև «գատաւորք և դատք և ոչ ատեանք և ոչ ժողովք հրապարակաց և ոչ ընչիւք այն շար իշխանութիւնն և սկիզբն պատերազմաց և արմատ թշնամութեանց...»³: Հարցը պարզ կդառնա, եթե նկատի տանք, որ հեղինակը թվարկում է երկրային կյանքում իշխող շարիքները կապված ապրուստի, ինչքի զրկողության, դատավորների կաշառակերության հետ և խոսում է ինչքի վրա հենված իշխանության ծանրության, դրա հետևանքով առաջացող թշնամանքի և պատերազմների մասին: Բնադրում «ժողովի հրապարակաց» և իշխանության ու պատերազմի հարցերը, որոնք քրննարկվում էին այդ ժողովներում, զրկված են կասկածիցության մեջ, և դա պատահական չէ: Արծնի բնակչությունը, ինչպես տեսանք, ինքնավար էր և ինքն էր տնօրինում իր բախար:

Անիի հասարակության ժողովների վերաբերյալ թեև մատենագրական տեղեկություններ չկան, բայց հնագիտական տվյալների հիման վրա Ն. Մառը նկատել է, որ Անիի եկեղեցիների զավիթները, մատնավորապես Առաքելոց եկեղեցու զավիթը, հավաքատեղի էր ոչ միայն եկեղեցական արարողությունների ու կրոնական վեճերի, այլև քաղաքի բարեկարգության, պաշտպանության և հասարակական այլ հարցերի քննարկման, ինչպես նաև օրենքների ու հրամանագրերի հրապարակման համար: Դրանով սկսելով բացատրել, որ այս եկեղեցու զավիթի տասերը ծածկված են ոչ միայն նվիրատվական, այլև ընդհանուր հասարակական կարգ ու կանոնին վերաբերող արձանագրություններով: Կերևում հի-

¹ Մատթեոս Ուոհայեցի, էջ 222—223:

² Նույն տեղում, էջ 223:

³ Հայկ. ՍՍԽ Մատենագրան, ձեռ. N 2575, էջ 307ա (ընդգծումը մերն է—Բ. Ա.):

շատակվեց, որ այս եկեղեցու պատերին են փորագրված հողերականությանը հարկային պարտավորություններից ազատելու և այլ հրովարտականք ու օրենքների 1263 թ. մի արձանագրությունից երևում է, որ երկրաշարժի պատճառով արգելվել է կիրակնօրյա վաճառքը քաղաքի փողոցներում, 1320 թ. արձանագրության մեջ խոսվում է որոշ տուրքերի վերացման մասին և այլն¹։ Ինչպես երևում է, ավելի մեծ նշանակություն ունեն Անիի կաթողիկեի առջևի հրապարակը, որտեղ կատարվում էր նաև թագավորների թագազրույթունը²։ Կաթողիկեի պատերին են փորագրված նաև բյուզանդական կատապաններ Ահարոնի և Բագրատ Վիկացու արձանագրությունները Անիի պարիսպների ամրացման, ջրմուղ անցկացնելու և մի շարք հարկերից ու տուրքերից քաղաքի բնակչությանն ազատելու մասին³։ Բնորոշ է, որ Ահարոնի արձանագրության մեջ հատկապես նշվում է, թե հարկերի թողության հրամանը նա բերել է Կոստանդնուպոլսից (առանց որի նա չէր կարող Անի գալ) և ինքն էլ տեղի իշխանավորների (քաղաքի ավագանու) խնդրանքով վերացրել է մուհթմասիլին վճարվող հարկը⁴։

Քաղաքների հրապարակներում հաճախ կատարվում էր զատիկ ու հանցա-
վորներին պատիժը, իսկ Գրիգոր Մազիստրոսի մի թղթից երևում է, որ այստեղ
էին կատարվում նաև հասարակական հանդեսներն ու խաղերը: Այդ թղթում
վաճառվում Պահլավունու կապակցությամբ Դրիպոր Մազիստրոսը գրում է.
«...գրոյղ հանդիսի մրցութին տաղս և սոինչս յօրինեալ անպատկառաշար
ազատագունդ պարէին և ի հրապարակս գոհհից և քաղաքաց իրաւ զդիւցադն
երգէին»⁵: Ուրեմն քաղաքների հրապարակներում տեղի էին ունենում մրցության
հանդեսներ, երգ ու պար, որին մասնակցում էին ոչ միայն ունեւոր քաղաքացիք,
այլև «դոեհիկները», այսինքն քաղաքի ստորին խավը:

Քաղաքի բնակչության, մանավանդ ստորին խավերի պայքարի և զրա օգնությամբ ձևոք բերած ղերի վերաբերյալ մի քանի պատահական փաստեր կան։ Հիշենք այն փաստը, որ 1021 թ. Անին և Շիրակը Բյուզանդիային հանձնելու մասին կտակը ձևակերպելուց հետո, Պետրոս կաթողիկոսը վախենալով անեցիններից՝ քաղաք չվերադարձավ, իսկ 1037 թ., ֆեոդալների և առաջին հերթին եկեղեցու ղեմ խոռովություն բարձրացրած Անիի ստորին խավերից սարսափած, նույն Պետրոս կաթողիկոսը փախավ քաղաքից և վերադարձավ միայն 4 տարի անց։ 1041 թ., երբ բյուզանդական զորքերը պաշարեցին Անին, ապա քաղաքի վերնախավերը երկպառակությունների ու վարանումների պատճառով քաղաքի պաշտպանության մասին հող չէին տանում, բյուզանդասերներից Վեստ Սարգիսը անգամ թշնամու կողմն էր անցել։ Քաղաքի պաշտպանության համար ոտքի է ելնում ինքը ժողովուրդը։ Չամչյանն օգտվելով մեղ անհայտ պրյուրեններից գրում է. «Ոչ ոք էր որ ընդդեմ ելանէր նոցա (բյուզանդական զորքերին) և վանէր ղնոսա... Յայն ժամ շարժեալ ամինայն հայոց առհասարակ ի նախանձ վրիժու, ամենեքին զայրացեալք և բարկութեամբ լցեալք ժողովեցան առ ծերունին Վահրամ սպարապետ Պահլավունի ի յամուրն ներքին, որոյ անուն մեծ էր յայն ժամ առ լոյնս. և աղտէին զնա առաջնորդել նոցս ի պատերազմ ընդդեմ յունաց»։

— 4 p p u l y n u Գ ւ ն ձ ւ կ ե ց ի, 1, 85.

3. $h_1, h_2, w, \delta, \delta h, w h, \delta h, 70-72$

4 նույն տեղում:

5 նույն տեղում, էջ 70:

ամենեքեան պատրաստ եմք, ասեն, մեռանիլ. բայց ոչ մեռցուք ասեն, մինչև ոչ սպանցուք զթշնամիս մեր, որք տարապարտ եկեալ են ի վերա մեր և կամին յափշտակել զաշխարհս...»¹ Այսպիսով, քաղաքի, այլև երկրի պաշտպանութեան պատրիոտները հանդիսացան ժողովրդական զանգվածները, Ուռհայեցու ասելով, մասնավանդ անդեկավար մնացած ու ցիրուցան եղող ղինվորները², որոնք երգվեցին իրենց կյանքի զնով թշնամուն ջարդել և ետ մղել: Վահրամ Պահլավունին անցնելով, ըստ Չամչյանի, 30 հազար հետեակ և 20 հազար հեծյալ զորքի, իսկ ըստ Ուռհայեցու՝ 30 հազար հետեակ ու հեծյալ զորքի ղլուխ, դուրս գալով Ծաղկոցաձորի դռնից, հարձակվեց թշնամու բանակի վրա և նրան սաստիկ ջարդ տալով, վտարեց երկրի սահմաններից: Այսպիսով, ճակատագրական պահին երկրի, նրա մայրաքաղաքի և սկստականության համար մաքառող ամենավրձեական ուժը հանդիսացավ ժողովուրդը, որի տարած հաղթանակի և օժանդակության շնորհիվ զահ Բարձրացավ 18-ամյա Գաղիկ Երկրորդը:

Իրան հետևող տարիներին ևս Անիի քաղաքացիներն ու զորքը մայրաքաղաքը համառորեն պաշտպանեցին բյուզանդական հետադա երեք արշավանքներից՝ այն ժամանակ, երբ վերնախավերը վիճում էին թե ում հանձնեն քաղաքը, իսկ Պետրոս կաթողիկոսն ու Վեստ Սարգիսը Անին և Շիրակը բյուզանդացիներին վաճառելու դործարք էին կնքում: Բացառիկ մեծ է եղել Անիի բնակչության դերը 1064 թ. քաղաքը սելջուկներից պաշտպանելու դործում, 1123 թ. Շաղղաղյանների ղեմ Բարձրացված ապստամբության և 1126 թ. քաղաքը Փաղունի զորքերից պաշտպանելու ժամանակ, ինչպես և 1155 և 1161 թթ., երբ նա ապստամբել էր Շաղղաղյանների տիրապետության դեմ:

Խլաթի բնակչության գերի մասին մի վկայություն պահպանել է Ռաշիդ-ադ-դինը. Մայաֆարկինի էմիր Նաջիմ-ադ-դինի (իշխել է 1200—1210 թթ.) ոտնձգություններից պաշտպանվելու համար Խլաթի էմիր Բալբանը օգնության է կանչում Արդրումի էմիրին, որը հարմար առիթ գտնելով, սպանում է Բալբանին և փորձում զավթել Խլաթը. սակայն քաղաքի բնակիչները մարդ են ուղարկում Նաջիմ-ադ-դինի մոտ և քաղաքը հանձնում նրան: Բայց շուտով Խլաթի բնակչությունն ապստամբում է Նաջիմ-ադ-դինի դեմ, և վերջինս քաղաքը զավթում է ղենքի ուժով³:

Իհարկե քաղաքային բնակչությունը միասնական չէր, քաղաքային վերնախավերի և ստորին զանգվածների շահերը հակադրվում էին իրար. ուստի միևնույն անցքերի ժամանակ հասարակական տարրեր խավերը տարրեր զիրք էին բռնում: Այդ տեսանք մասնավորապես 1037 և 1041—1045 թթ. անցքերի կասկեցությամբ: Նույն Անիի կյանքից կարելի է բերել ևս մի ցայտուն օրինակ: Վերևում նշվեց, որ երբ մոնղոլները Չարմաղանի զխավորությամբ հարձակվեցին Անիի վրա, քաղաքի ավաղանին, լսաանց քաղաքի տեր Շահնշահի, վարանեց բնգունել կամ մերժել մոնղոլների առաջարկը քաղաքը հանձնելու մասին: Կիրակոս Գանձակեցին պատմելով այդ եղելության մասին, ավելացնում է. «Իսկ ամբոխ քաղաքին և ռամիկըն սպանին զպատգամավորսն» և ոտքի կանգնեցին քաղաքը թշնամուց պաշտպանելու համար⁴: Եթե քաղաքի վերնախավերը իրենց

¹ Չամչյան, Հայոց պատմություն, հատ. Բ, էջ 920:

² Մատթևոս Ուռհայեցի, էջ 85:

³ Рашид-дин, Сборник летописей, т. III, кн. II, Е.—Л., 1952, էջ 195:

⁴ Կիրակոս Գանձակեցի, էջ 245:

կալվածքները, հարստություններն ու անձր ժրվելու համար թշնամու հետ համաձայնություն գտնելու քաղաքականությունն էին վարում, ասլա ամեն դեպքում տուժող ժողովուրդը վճռական դիմադրություն էր ցույց տալիս հակառակորդին: Բնորոշ է պատմիչի վկայությունը, որ նույն այդ դեպքերի ժամանակ «ումանք յիշխանաց քաղաքին ձեռնտու եղեն առ թշնամիսն, զապրուստ անձանց շահելով»¹: Պետք է նկատել սակայն, որ քաղաքային ժողովներում վրձնական դեր խաղում էին քաղաքի վերնախավերը և սակավ դեպքերում միայն՝ ապստամբած աշխատավոր բնակչությունը:

* * *

Ամփոփելով քաղաքային վարչության և ինքնավարության հարցի քննությունը, կարելի է հանդել հետևյալ եզրակացություններին.

1. IX—X դդ. առաջացող և ձևավորվող ֆեոդալական քաղաքները Հայաստանում մեծ մասամբ հանդիսանում էին ֆեոդալների նստավայրեր և կառավարվում էին ֆեոդալ տիրոջ կողմից, ուստի ունեին սենյորիալ կարգեր: Շատ ավելի փոքր թվով քաղաքներ գտնվում էին ընդհանուր պետական ենթակայության ներքո և կառավարվում էին սյուլդերենի կողմից նշանակվող կառավարիչներով. սրոնք օժտված էին վարչական, ռազմական ու տնտեսական իշխանությամբ, այլ խոսքով՝ ֆեոդալ տերերի իշխանությունը քաղաքներում անբաժանելի էր: Քաղաքներում կային և՛ վարչական իշխանության մարմիններ, և՛ սուլտոններ. դատարան՝ եպիսկոպոսի կամ ղադիի գլխավորությամբ, ռատիկանական և շուկայական վարչություն՝ մուհթասիբի գլխավորությամբ և հաբկահան պաշտոնյաներ: Սրանք ամբողջովին և անմիջականորեն ենթարկվում էին սենյորի իշխանությանը:

2. X դ. սկսած դեռևս սենյորիալ իշխանության պայմաններում, քաղաքներում դոչանում է «գլխաւորք քաղաքին» կոչվող ինստիտուտը, որը քաղաքային ավագանու խորհուրդն էր և հանդիսանում էր քաղաքային ինքնավարության մարմին, որի գլուխ էր կանգնած քաղաքի ամիրը: Քաղաքային ավագանու խորհուրդը և նրա ղեկավար ամիրը՝ թեև ենթակա էին սենյորին, սակայն մասնակցում էին քաղաքի կառավարմանը, այս կամ այն չափով սահմանափակում էին սենյորի իշխանությունը, և սենյորի հետ միասին տնօրինում էին քաղաքի արտաքին կապերի, ներքին կյանքի և տնտեսության հետ կապված առավել կարևոր հարցերը: «Գլխավորք քաղաքին» կոչված քաղաքային ավագանու խորհրդի մեջ մտնում էին քաղաքի աշխարհիկ և հոգևորական դասերի, քաղաքային մեծատունների, բնակչության տարրեր սոցիալական խմբերի ներկայացուցիչները, 21—XIII դդ.՝ հավանաբար նաև արհեստավորական եղբայրությունների համաքաղաքային «ատեան ծերոց» կոչվող խորհրդի ներկայացուցիչները:

3. Քաղաքային ինքնավարության դարգացման համար ավելի նպաստավոր պայմաններ կային ընդհանուր պետական ենթակայության քաղաքներում: Այդ պիսիներից էր Բյուզանդական կայսրության սահմաններում գտնվող Արծն քաղաքը, որը դեռևս X դ. երկրորդ կեսին և XI դ. առաջին կեսին դարձավ ինքնավար քաղաք—համայնք՝ ΠΟΛΙΤΕΙΑ ուներ սեփական աշխարհազոր: Քաղաքային ավագների խորհուրդ ուներ և Անին, որն իր ինքնավարությունն ավելի ամ-

¹ Կ ի ր ա կ ո ս Գ ա ն ձ ա կ ե ց ի, էջ 245:

րապնդեց XI դ. կեսերին, սակայն ընկնելով սելջուկների տիրապետության տակ և 1072 թ. անցնելով Շաղղաղյանների ձեռքը, կրկին սենյորիալ քաղաք դարձավ: Անիի բնակչությունը 1123, 1126, 1155, 1161 թթ. համառ պայքար է մղել իր սենյորի դեմ՝ նրա ճնշումից ազատագրվելու և ինքնավարությունն ամրապնդելու համար՝ դիմելով հզորացած վրաց թագավորի օգնությանը և ճանաչելով նրա իշխանությունը: 1199 թ. ազատագրվելով Շաղղաղյաններից, Անին Հյուսիսային Հայաստանի հետ միասին մտավ վրաց պետության կազմի մեջ: Թամար թագուհին ազատագրված հայկական հողերը իրրև ֆեոդալական տիրույթ շնորհեց Զաքարյաններին, սակայն Անին չդարձավ նրանց նստավայրը, այլ կառավարվում էր ավագանու խորհրդի կողմից, որի ղեկավար ամիրին նշանակում էին Զաքարյանները: 1206 թ. նրա քաղաքը իր բնակչության ուսանանքով ենթարկվեց անմիջականորեն Թամար թագուհուն և նույնպես ինքնավարություն ձեռք բերեց: XII դ. և XIII դ. առաջին քառորդում վրաց հզորացած պետությունը սելջուկյան մրցակիցների և ներքին կենտրոնախույս ուժերի դեմ մղվող պայքարում ձգտում էր ամրապնդել իր տնտեսական և քաղաքական հենարանը՝ իրեն միացնելով Հայաստանի մի քանի խոշոր քաղաքները, որոնք իրենց հերթին ձգտում էին Վրաստանի օգնությամբ թոթափել օտարի սենյորիալ լուծը և ամրապնդել իրենց ինքնավարությունը:

4. Քաղաքային կյանքի և ինքնավարության դարգացումն իր արտահայտությունը գտավ նաև աշխարհիկ դատարանի առաջացման և քաղաքային բնակչության ղերի աճման ու ընդհանուր ժողովների գումարման մեջ: Միջնադարյան Հայաստանի քաղաքներում առաջացած ինքնավարությունը, սակայն, ղեկավարվում էր դարգացման չհասած, ծանր հարվածներ ստացավ և խափանվեց մոնղոլական տիրապետության ժամանակ:

ГОРОДСКАЯ АДМИНИСТРАЦИЯ И САМОУПРАВЛЕНИЕ В СРЕДНЕВЕКОВОЙ АРМЕНИИ

Проф. Б. Н. АРАКЕЛЯН

(Р е з ю м е)

Рассматривая вопрос о городской администрации и самоуправлении в средневековой Армении, автор статьи приходит к следующим выводам:

1. В IX—X вв. города Армении носили сеньориальный характер и городская администрация всецело являлась орудием власти сеньора.

2. Еще в X в. в условиях сеньориальной власти в управлении городов начинают принимать участие представители городской верхушки. Источники показывают, что в XI—XIII вв. в городах существовал совет старейшин, именовавшийся «главорк кахакин», а не «егицани», как считалось раньше. Совет старейшин был органом городского самоуправления, во главе которого стоял градоначальник—амира.

3. Борьба за городское самоуправление шла повсеместно, но для ее успеха наиболее благоприятные условия существовали в городах общегосударственного подчинения. Таким крупным городом, например, был Арцн, население которого в первой половине XI в. представляло собой

самоуправляемую общину — *політзіа*, имевшую собственные вооруженные силы — ополчение.

4. Упорный характер носила борьба против сеньора и за самоуправление в городе Ани. Горожане здесь добились заметного успеха в середине XI в., однако после тяжелых ударов, нанесенных городу сельджуками, Ани вновь стал сеньеоральным городом. Горожане продолжали борьбу в 1123, 1126, 1155, 1161, 1173/74 гг.; они подняли восстание против своего сеньора из рода Шеддадидов и трижды обращались за помощью к грузинскому царю, изъявляя желание признать его власть. После присоединения северной части Армении к Грузии царица Тамара пожаловала армянские земли Захаридам, которые, однако, не превратили Ани в свою резиденцию, и город вновь приобрел самоуправление.

5. В 1206 г. город Карс, освободившись от власти сеньора, вошел в состав грузинского царства, но горожане поставили условие перед Тамарой — не передавать город во владение другим феодалам. Таким образом, Карс стал городом общегосударственного подчинения и приобрел самоуправление.

6. Усилившееся грузинское царство в борьбе с сельджукскими государственными образованиями и внутренними центробежными силами стремилось расширить и укрепить свою экономическую и политическую базу присоединением ряда крупных городов северной части Армении, а население этих городов стремилось с помощью Грузии избавиться от ига чужеземных сеньоров и укрепить свое самоуправление в условиях общегосударственного подчинения.

Развитие городской жизни и самоуправления нашло свое отражение также в разграничении светского законодательства от церковного, в возникновении светского суда наряду с судебной властью духовенства, в усилении роли городского населения в созыве общегородских собраний.

Не успев достигнуть высшего развития, это самоуправление сошло на нет в связи с нашествием монголов и упадком городов средневековой Армении в XIV в.